

rentur, ad diuersas partes accommodantur, non solum abstersionis gratia, sed etiam ad voluptatem & ad sanitatem. Ablutionis enim caussa fiunt lotiones capitis, ex lixiuio, ad auferendas sordes: corroborationis caussa addito agarico: abstersionis gratia, in vlcere capitis, ex lixiuio parato ex abrotano, absynthio, betonica. Sic ad pediculos encandos adduntur lixiuio amara, vt absynth. lupini, vel nitrum. Ad furfures detergendos, succi vel decocta herbarum amarar. vt absynthii, abrotani, betæ, parietariæ, saponariæ; ita tamen, vt semper capitata admisceantur, cuiusmodi est betonica. Fiunt autem lixiuia communiter ex cineribus fermentorum, quod fortius erit, si frequentius per cineres coletur.

Ad fœtorem axillarum abluuntur lixiuio confecto ex adstringentibus, vt est lentiscus, myrtus, oleaster, additis odoratis, leuiter adstringentibus, cuiusmodi sunt, rosæ. Abluuntur quinetiam manus & pedes, non solum ad munditiem, sed etiam ad sanitatem, in quam rem vsurpare licet herbarum decocta. Quod si detergere solum velimus, lixiuium parabitur ex detergentibus, corroborantibus & siccantibus.

Sic ad tremorem manuum arcendum, & pedum, lauare oportet vino, in quo decocta sit saluia, lauendula, rosmarinus: commendatur etiam ad tremorem, siue fiat ab argento viuo, siue plumbo, lotio ex aqua & vrina,

Sic ad somnum conciliandum, vtpote in febribus fiunt lotiones pedum, tempore, quo eger dormitum ibit, ex decocto fol. maluæ, lactuæ, violæ.

S

lar.